

巴東縣志卷之

志餘

寇萊公自少富貴享用過奢及拜樞密賞賚尤厚賓客莫不稱嘆獨一老奴潛然墮淚公驚問故曰太夫人捐館時欲求一縑作衾襚不可得安知相公有今日耶公撫心大慟由是折節從儉老奴善於進諫公勇於改過均足爲法

文昌化書云佐神獨孤生于寇氏曰平仲力輔章聖策功澶淵基二百載太平之治萊公忠貞贊天地

巴東縣志

卷之十六

志餘

一

在雷州預知卒期遣人取通天犀于洛既至束帶再拜從容就榻此非有宿根者不能化書爲不誣云

縣治陡絕不可城又江水東下去而不顧爲相者所病明巡撫都御史趙公可懷議遷西瀼會連理之祥而止近時蔣探花超有峩眉之遊前令陳君說其門下士也因留信宿於此亦以遷西瀼爲言且曰遲吾返當與撫軍計之蔣好釋氏法至峩眉愛其幽勝竟留偈而化事復寢望嘗以事抵火峯邑

之平壤固無愈火峯者其西數里許有地後開曲
幃中高而旁低與世所用太師椅子相似前起數
金星圓如覆釜珠連而布細流涓涓忽見忽伏或
滙而爲池其山秀而不俗其泉瀉而不鳴其氣葱
蔥然誠善地也而昔人議不及此豈路僻未之見
耶望觀西瀼較今治少坦然規模亦小對岸母猪
灘日夕怒號門扇峽不關束其下而顧居上望雖
不習堪輿固知其非火峯比也但議遷良難姑識
之以待後人

巴東縣志

卷之十六

志餘

二

漢蔡邕守巴東其地乃今之夔州府邑在漢爲巫縣
地非其部也而郡志所載巴東守又有三國吳羅
憲柳約之五代宋魯爽諸人但其時邑治不聞置
郡又歷代侯王多有巴東之號皆未嘗君其國而
子其民故弗及焉

明嘉靖間連天關巡檢王得仁因容美土舍田九龍
殺擄邊民具本上奏一巡檢耳乃得以彝情入告
今州縣正官間以政務白兩臺而當路不曰瀆詳
則曰越申矣古今之不同如此

紅砂堡之設始建議者譚萬朝踵而成之者鄧天益請復於被侵之後者鄧譚黃諸人萬朝奏於嘉靖十三年天益一奏再奏至嘉靖四十年乃有定議而百戶常春後爲土舍田九龍所逐天啟而下後二都悉爲蠻業鄧譚黃等奏請捐復關堡在崇禎十四年行勘未結而明亡

本朝甫平諸寇卽於各關堡撥兵防守而後都之故物復還土人無敢踰連天一步者

聖天子威德遐暢邊境殘民所謂陰受其福而不知者

巴東縣志

卷之十六

志餘

三

也

容美侵害巴民自嘉靖十二年始田世爵決其流于前田九龍田絃揚其波于後田甘霖及其子舜年皆欲奄有後都爲久假不歸之計而今則兢兢歛息矣

容美欲奪後二都地而無辭乃巧爲軍屬土司賦屬有司之說與望數年來以文移旗鼓相當者止此二語耳明崇禎間田絃有刁軍畏調之奏方欲舉後四都而軍之况其所久假之後二都乎考興山

令曹元功巴東令謝上官會詳內稱田世爵孫田
絃不守定分妄思狂逞擅將後二都里排覃守儒
等十三族攘爲已有授以冠帶充爲舍把里下之
人土盡被脅占乃復誣鄧譚柳陳等降爲蠻軍夫
鄧譚柳陳等卽後里之民心懷忠孝誓死靡他而
絃何得以軍之一字誑瀆天聽爲嗚乎此固其誣
民爲軍之始而覃守儒等是民非軍從可知矣比
歲以來業蒙大中丞王公提督徐公嚴加申飭一
則曰紅砂堡連天關等處攷之府縣志書俱爲漢

巴東縣志

卷之十六

志餘

四

地甚確一則曰任土作貢古今不易之理四里之
糧旣納巴邑則地屬巴民明矣

皆飭調面訊案內大中丞檄

一

則曰紅砂堡明季設有遠安千戶康熙初年設有

王千總駐防則是漢境明而且確

亟懇剿滅案內提督檄

而

申明漢土之檄

見兵防下

以及稟明事之批

見藝文詳內

剖

斷尤晰益是漢非土一語正與軍屬土司賦屬有
司二語對鍼狡蠻雖有百喙其復能移此鐵案否

康熙二年十二月定西將軍穆公川督李公川提鄭
公俱屯陳家坡三年正月回巫山平劉體純也靖

西將軍圖公海由房縣至長豐聞體純等已誅遂
赴興山

康熙十八年五月襄陽鎮劉公成龍屯舊縣九月回
襄陽十一月楚提徐公治都彝陵鎮胡公世英俱
屯西瀼十九年正月鄖陽撫治楊公茂勳屯東瀼
是月進攻巫山討吳世益餘黨也十二月彝陵鎮
嚴公宏屯縣治二十年正月回彝陵討施建諸寇
也

巴山先爲水驛後爲水馬驛今爲馬驛蓋三變而惟

巴東縣志

卷之十六

志餘

五

水馬稱善焉然鳥道崎嶇用馬又不如用騾望嘗
條議云康衢大道之中追風逐電瞬息百里則騾
不如馬峻嶺崇崖之上登降便利慣習勞苦則馬
不如騾本驛之馬旣不能展其所長而徒形其短
何如易馬爲騾旣有驅策之便又無倒斃之苦庶
幾地理物情兩不相背

大江自彝陵而西洶湧殊甚淮鹽輒憚險不至至則
價騰貴川鹽又不得越界入楚民間淡食者十常
四五查康熙六年內湖南衡永寶三府民周學思

等狀稱粵鹽路遠有盤灘過嶺之苦請改食淮鹽業經戶部題奉

俞旨則近蜀諸州縣似亦可援例而請然此非長吏之所能爲矣

吳三桂拒命時湖南長岳等郡皆食川鹽康熙十七年三桂設巴東稅務遣僞御史劉時中領之每鹽八斤半收稅二分歲可得稅萬餘然湖南鹽價每斤至五六分商民胥病焉

牛口巡檢司在歸州界明季移縣對江去歸旣遠而

巴東縣志

卷之十六

志餘

六

縣以隔屬例不得制馭之故弓兵三五成羣以搜鹽爲名恣肆殊甚萬歷初知縣蔣時材申允徹回牛口縣江巡緝崙責捕官無何復移縣如故夫隸歸而不居歸居巴而不隸巴名牛口而實非牛口弁髦典章無逾于此

本朝蕩平之初知縣司世教詳明各按故疆永遵定制于是前代之流弊絕矣

康熙癸亥縣署有蜈蚣與蟻鬪不勝爲羣蟻齧其足負而反走蜈蚣但昂首欲避而不能脫夫螂蛆甘

帶言小能制大也乃復有甘蝻蛆者則又小矣蝻即蜈蚣帶大蛇也君子是以有匹夫勝予之懼也

舊志載郡司理王公三善巴山賦而遺其大半所存纔二百言筆力高古有騷人之致竊怪集中惡詩文不少往往瓦全而此獨玉碎天下不平事可為太息類如此哉王永城進士以才望致位通顯此賦失之不足為輕重但覺巴山黯然而無色耳縣當劉體純等竊拒時脅從之眾潔身歸正者甚多皆蒙

巴東縣志 卷之十六 志餘

世祖章皇帝照銜給劄

欽賜衣帽鞍馬什物赴部候推其實授者則副將譚明

問等也見武貴餘各隨標食俸續於康熙十年題

明安插巴東帶劄墾畝共三十一員內

副將十三員

鄧大國 田弘滋 黃大臣 田宗烈

譚拔元 譚幸元 向應通 鄭希早

譚國印 鄧扶國 譚國輝 譚希典

譚國美

泰將八員

譚一偉

譚一統

張稅孔

譚弘烈

田世昌

鄧順國

田宗漢

田宗琴

遊擊四員

田得龍

張紹孔

楊繼祖

黃友魁

都司僉書四員

張國美

田弘賓

田有元

譚宴元

守備二員

田大民

張自孔

巴東縣志

卷之十六

志餘

八

隨標効用共七十員內

都督同知二員

譚心傳

鄧楚琨

都督僉事五員

田大繡

鄧繼昌

田國欽

譚國選

黃士魁

副將二十九員

田大縉

柳天純

黃京斗

黃京舉

田正龍

黃登科

田飛鵬

鄭希楚

譚明性

鄧吉辰

田弘慈

田弘惠

田宗英

田國瑞

譚卯元

譚楚元

陳大雅

向國翰

田從龍

譚行健

田有蘭

譚葵元

譚陞元

鄧建國

鄧奇國

田新民

張悅孔

譚攀元

鄧洪國

叅將五員

譚炤元

田賓民

鄧林樟

黃景尋

譚見龍

巴東縣志

卷之十六

志餘

九

遊擊七員

田大龍

李元壽

田霖

田生蛟

譚明聖

譚玉章

譚沓章

都司僉書九員

田守一

田弘圻

鄧福臣

黃國欽

龔方昇

鄧大臣

鄧之國

譚尹

田希珍

守備十員

蔡文時

向彤

田載都

田載位

譚天輝

田大穗

譚心聖

鄧林梅

田載高

譚亨祥

千總三員

譚所見

田國王

黃一元

前代武科不爲世所重資以進身者亦鮮故無紀焉
今所聞惟有崇禎己卯科武舉譚斌元一人而已
我

朝文武並重應運而興庶有望於後來者耳
以上俱

舊志

